



KOMUNIKADO PA PRENSA

Fecha

17 di novèmber 2016

Kolaboradó di Maneho

Corinne Leysner

Email

corinne.leysner@gobiernu.cw

OBRA PUBLIKO TA SIGUI KU FASE 3 DI MANTENSHON NA STA. ROSAWEG

Willemstad – Na nòmber di Minister Suzy Camelia-Römer di Tráfiko, Transporte i Planifikashon Urbano, Obra Públiko ta anunsiá ku riba dia 20 di novèmber próksimo, ta kuminsá ku e siguiente fase di mantenshon di Sta. Rosaweg. E fase aktual ta trata e parti di Sta. Rosaweg entre Labaderaweg i Las Almas.

E trayekto di mantenshon ta forma parti di e plan di mantenshon total di Sta. Rosaweg, kaminda a drecha den e aña ku a pasa algun parti kaba. No ta posibel pa sera un kaminda importante manera Sta. Rosaweg den un tiru pa mantenshon. P'esei e mantenshon ta tuma lugá den diferente fase.

E trabounan aktual ta tuma 20 dia di trabou pa kaba. Negoshinan ta aksesibel na tur momentu di tur dos banda di kaya durante e trabounan, mirando ku e aseranan ta basta hanchu. Promé ku temporada di vakashon di kompanianan di konstrukshon (bouwvak), e trabounan aki ta finalisá.

Mantenshon na e partinan aki di Sta. Rosaweg ta enserá ku mester kita e asfalt i e fundeshi di e kaminda i saka e bantnan kantu di kaya. Despues ta traha un fundeshi nobo, pone bantnan nobo i asfaltá e pida kaminda di nobo. Ta basha asfalt tamba kantu di kaya pa asina mehorá e asera tambe.

Pa habitantenan i komersiantenan i nan klientenan, semper tin opshon pa por yega nan destinashon. Pa tráfiko normal ku tin un otro destinashon, tin bòrchinan ku ta mustra outomobilistanan riba e desviashonnan. Obra Públiko, kontratista CWM i polis tékniko ta pidi kompreshon pa eventual molèster di e kambionan temporal.